

গণপ্রজাতন্ত্রী বাংলাদেশ সরকার
শ্রম ও কর্মসংস্থান মন্ত্রণালয়
সমন্বয় শাখা
www.mole.gov.bd

বিষয়: শ্রম ও কর্মসংস্থান মন্ত্রণালয়ের নৈতিকতা কমিটির সভার কার্যবিবরণী

সভাপতি: কে, এম, আব্দুস সালাম
সচিব
শ্রম ও কর্মসংস্থান মন্ত্রণালয়
সভার স্থান: মন্ত্রণালয়ের সভাকক্ষ
সভার তারিখ: ০৮ অক্টোবর ২০২০
সময়: সকাল ০৯.৩০ ঘটিকা

সভায় উপস্থিত কর্মকর্তাদের নামের তালিকা: পরিশিষ্ট 'ক'

সভাপতি নৈতিকতা কমিটির উপস্থিত সকল সদস্যকে স্বাগত জানিয়ে সভার কাজ শুরু করেন। সভাপতি বলেন ২০১২ সালে সুশাসন প্রতিষ্ঠায় সামগ্রিক উদ্যোগের সহায়ক কৌশল হিসাবে সোনার বাংলা গড়ার প্রত্যয়: জাতীয় শুদ্ধাচার কৌশল প্রণয়ন করা হয়েছে। এ কৌশলের মূল লক্ষ্য হল শুদ্ধাচার চর্চা ও দুর্নীতি প্রতিরোধের মাধ্যমে রাষ্ট্র ও সমাজে সুশাসন প্রতিষ্ঠা করা। প্রাতিষ্ঠানিক শুদ্ধাচার প্রতিষ্ঠাকল্পে মন্ত্রিপরিষদ বিভাগ কর্তৃক প্রণীত জাতীয় শুদ্ধাচার কৌশল কর্ম-পরিকল্পনা বাস্তবায়ন বার্ষিক কর্মসম্পাদন চুক্তির একটি অন্যতম অনুষঙ্গ। এ কর্ম-পরিকল্পনার অংশ হিসেবে মন্ত্রণালয়ে শুদ্ধাচার প্রতিষ্ঠাকল্পে গঠিত নৈতিকতা কমিটির সভা অত্যন্ত গুরুত্বপূর্ণ। সভাপতি সদস্যগণের উপস্থিতি বিবেচনায় নিয়ে বলেন, নৈতিকতা কমিটির সদস্য হিসেবে সভায় সকল অধিদপ্তর/দপ্তর/ সংস্থা প্রধানকে আবশ্যিকভাবে উপস্থিত থাকতে হবে। অনিবার্য কারণে উপস্থিত হতে না পারলে সভা অনুষ্ঠানের পূর্বে সভাপতিকে অবহিত করতে হবে। মন্ত্রণালয়ের সংশ্লিষ্ট সকল কর্মকর্তাকেও সভায় উপস্থিত থাকতে হবে।

২। অতঃপর সভাপতির অনুমতিক্রমে এ মন্ত্রণালয়ের শুদ্ধাচার ফোকাল পয়েন্ট কর্মকর্তা যুগ্মসচিব (সমন্বয় ও আদালত) শাকিলা জেরিন আহমেদ শ্রম ও কর্মসংস্থান মন্ত্রণালয়ের ২০২০-২০২১ অর্থবছরের জাতীয় শুদ্ধাচার কৌশল কর্ম-পরিকল্পনার ১ম কোয়ার্টারের (জুলাই-সেপ্টেম্বর ২০২০) বাস্তবায়ন অগ্রগতি প্রতিবেদন সভায় উপস্থাপন করেন। তিনি বলেন এ প্রতিবেদন নৈতিকতা কমিটির অনুমোদনক্রমে মন্ত্রিপরিষদ বিভাগে প্রেরণের বাধ্যবাধকতা রয়েছে। ২০২০-২০২১ অর্থবছরের এ কর্ম-পরিকল্পনায় প্রাতিষ্ঠানিক ব্যবস্থা, দক্ষতা ও নৈতিকতার উন্নয়ন, শুদ্ধাচার প্রতিষ্ঠায় সহায়ক আইন/বিধি/নীতিমালা/ম্যানুয়েল প্রণয়ন/সংস্কার/হালনাগাদকরণ ও প্রজ্ঞাপন/পরিপত্র জারি, ওয়েবসাইটে সেবাবল্ল হালনাগাদকরণ, সুশাসন প্রতিষ্ঠা, প্রকল্পের ক্ষেত্রে শুদ্ধাচার, ক্রয়ক্ষেত্রে শুদ্ধাচার, স্বচ্ছতা ও জবাবদিহি শক্তিশালীকরণ, শুদ্ধাচার সংশ্লিষ্ট এবং দুর্নীতি প্রতিরোধে সহায়ক অন্যান্য কার্যক্রম, শুদ্ধাচার চর্চার জন্য পুরস্কার/প্রণোদনা প্রদান, কর্ম-পরিবেশ উন্নয়ন, অর্থ বরাদ্দ এবং পরিবীক্ষণ ও মূল্যায়ন শীর্ষক ১৩টি ক্ষেত্রে কার্যক্রম নির্ধারণ করা হয়েছে। কর্ম-পরিকল্পনার ৮.১ নং ক্রমিকে সিটিজেন চার্টার পরিবীক্ষণ লক্ষ্যমাত্রা ধরা হয়েছে ৮০%। প্রতি কোয়ার্টারে ৮০% এর স্থলে অসাধনতা বশত ২০% ধরা হয়েছে যা সংশোধন হওয়া প্রয়োজন। তিনি আরো বলেন প্রাপ্ত তথ্যাদি পর্যালোচনায় দেখা যায় কর্ম-পরিকল্পনার ১ম কোয়ার্টারের লক্ষ্যমাত্রাসমূহ অর্জিত হয়েছে। সভাপতি ২০২০-২০২১ অর্থবছরের শুদ্ধাচার কৌশল কর্ম-পরিকল্পনার ১ম কোয়ার্টারের লক্ষ্যমাত্রা অর্জিত হওয়ায় সংশ্লিষ্ট সকলকে ধন্যবাদ জ্ঞাপন করেন।

৩। সভাপতির অনুমতিক্রমে মন্ত্রণালয়ের আওতাধীন অধিদপ্তর/দপ্তর/সংস্থার প্রধানগণ ২০২০-২০২১ অর্থ-বছরের জাতীয় শুদ্ধাচার কৌশল কর্ম-পরিকল্পনা বাস্তবায়ন অগ্রগতির ১ম কোয়ার্টারের পর্যালোচনা প্রতিবেদন সভায় উপস্থাপন করেন। সভাপতি বলেন, সংস্থাসমূহের যেসব ক্ষেত্রে লক্ষ্যমাত্রা অর্জিত হয়নি তা ২য় কোয়ার্টারে অর্জনের পদক্ষেপ নিতে হবে।


৪। সভাপতি মন্ত্রণালয় ও আওতাধীন অধিদপ্তর/দপ্তর/সংস্থার সিটিজেন চার্টার বাস্তবায়নসহ ওয়েবসাইটের সেবাবল্লসমূহ হালনাগাদকরণে গুরুত্বারোপ করেন। তিনি শ্রমিক কল্যাণ ফাউন্ডেশন ও কেন্দ্রীয় তহবিলের ওয়েবসাইট হালনাগাদকরণে মন্ত্রণালয়ের আইসিটি সেলকে সহযোগিতা প্রদানে নির্দেশনা দেন। সভায় বিবিধ আলোচনায় শ্রমিক কল্যাণ ফাউন্ডেশনের ১৫০০০ (পনের হাজার) আবেদন তালিকাভুক্তকরণ, মজুরি নির্ধারণে মালিক-শ্রমিকপক্ষের নাম না পাওয়া ইত্যাদি বিষয়ে আলোচনা হয়।

৫। বিস্তারিত আলোচনা শেষে সভায় নিম্নরূপ সিদ্ধান্ত গৃহীত হয়:

ক্র:/নং	গৃহীত সিদ্ধান্ত	বাস্তবায়নকারী
(ক)	এ মন্ত্রণালয়ের জাতীয় শুদ্ধাচার কৌশল কর্ম-পরিকল্পনা ২০২০-২০২১ এর ১ম কোয়ার্টারের (জুলাই-সেপ্টেম্বর ২০২০) বাস্তবায়ন অগ্রগতি প্রতিবেদনের খসড়া অনুমোদন করা হয়। অনুমোদিত প্রতিবেদন আগামী ১৫ অক্টোবর ২০২০ তারিখের মধ্যে মন্ত্রিপরিষদ বিভাগে প্রেরণসহ ওয়েবসাইটে প্রকাশ করতে হবে।	সমন্বয় শাখা ও আইসিটি সেল, শ্রম ও কর্মসংস্থান মন্ত্রণালয়।
(খ)	কর্ম-পরিকল্পনার ৮.১ নং ক্রমিকে সিটিজেন চার্টার পরিবীক্ষণ বিষয়ে লক্ষ্যমাত্রা প্রতি কোয়ার্টারে ২০% এর পরিবর্তে ৮০% হিসাবে প্রতিস্থাপনপূর্বক সংশোধন করে মন্ত্রিপরিষদ বিভাগে প্রেরণ করতে হবে।	সমন্বয় শাখা, শ্রম ও কর্মসংস্থান মন্ত্রণালয়।
(গ)	মন্ত্রণালয়ের আওতাধীন অধিদপ্তর/দপ্তর/সংস্থার কর্ম-পরিকল্পনার ১ম কোয়ার্টারের (জুলাই-সেপ্টেম্বর ২০২০) বাস্তবায়ন অগ্রগতি প্রতিবেদন স্ব স্ব দপ্তরের নৈতিকতা কমিটির সভার অনুমোদনক্রমে আগামী ১৫ অক্টোবর ২০২০ তারিখের মধ্যে মন্ত্রণালয়ে প্রেরণসহ স্ব-স্ব ওয়েবসাইটে প্রকাশ করতে হবে।	সকল অধিদপ্তর/দপ্তর/সংস্থা, শ্রম ও কর্মসংস্থান মন্ত্রণালয়।
(ঘ)	মন্ত্রণালয় ও আওতাধীন অধিদপ্তর/দপ্তর/সংস্থার দায়িত্বপ্রাপ্ত সংশ্লিষ্ট সকলকে স্ব স্ব সিটিজেন চার্টার বাস্তবায়নের লক্ষ্যে যথাযথভাবে পরিবীক্ষণ করতে হবে এবং ওয়েবসাইটের সেবাবক্সসমূহ নিয়মিতভাবে হালনাগাদ করতে হবে।	মন্ত্রণালয়ের সিটিজেন চার্টার পরিবীক্ষণ কমিটি ও সংশ্লিষ্ট কর্মকর্তা এবং সকল অধিদপ্তর/দপ্তর/সংস্থা, শ্রম ও কর্মসংস্থান মন্ত্রণালয়।
(ঙ)	নৈতিকতা কমিটির সভায় মন্ত্রণালয়ের আওতাধীন অধিদপ্তর/দপ্তর সংস্থার প্রধানগণকে আবশ্যিকভাবে উপস্থিত থাকতে হবে। অনির্বায কারণে উপস্থিত হতে না পারলে সভা অনুষ্ঠানের পূর্বে সভাপতিকে অবহিত করতে হবে। সেই সঙ্গে কর্ম-পরিকল্পনার বিভিন্ন কার্যক্রমের সঙ্গে মন্ত্রণালয়ের সংশ্লিষ্ট সকল কর্মকর্তাকে সভায় উপস্থিত থাকতে হবে।	সকল অধিদপ্তর/দপ্তর/সংস্থা প্রধানগণ, সংশ্লিষ্ট কর্মকর্তা ও সমন্বয় শাখা, শ্রম ও কর্মসংস্থান মন্ত্রণালয়।
(চ)	মন্ত্রণালয়ের সংশ্লিষ্ট শাখা/অধিশাখা ও বিভিন্ন অনুবিভাগের প্রদত্ত লক্ষ্যমাত্রা নির্ধারিত সময়ের মধ্যে অর্জন এবং প্রমাণক দাখিল করতে হবে।	সংশ্লিষ্ট দায়িত্বপ্রাপ্ত/ফোকাল পয়েন্ট কর্মকর্তা, শ্রম ও কর্মসংস্থান মন্ত্রণালয়।
(ছ)	শ্রমিক কল্যাণ ফাউন্ডেশন ও কেন্দ্রীয় তহবিলের ওয়েবসাইট হালনাগাদকরনে মন্ত্রণালয়ের আইসিটি সেলকে সহযোগিতা প্রদান করতে হবে।	আইসিটি সেল, শ্রম ও কর্মসংস্থান মন্ত্রণালয়। শ্রমিক কল্যাণ ফাউন্ডেশন ও কেন্দ্রীয় তহবিল।

সভাপতি বলেন মন্ত্রণালয়ের কার্যক্রমে শুদ্ধাচার চর্চা ও দুর্নীতি প্রতিরোধের মাধ্যমে সুশাসন প্রতিষ্ঠায় সকলকে সচেষ্ট থাকতে হবে। জাতীয় শুদ্ধাচার কৌশল কর্ম-পরিকল্পনা ২০২০-২০২১ এবং সিটিজেন চার্টার বাস্তবায়নে সংশ্লিষ্ট সকলের সহযোগিতা কামনা করেন।

৬। পরিশেষে উপস্থিত সকলকে ধন্যবাদ জানিয়ে সভার সমাপ্তি ঘোষণা করা হয়।



কে, এম, আব্দুস সালাম
সচিব

শ্রম ও কর্মসংস্থান মন্ত্রণালয়